

## D' Mundort passt

Unsa Mundort hot an eiganen Gru.  
Sie schmeckt noch Schwitz und noch Plo,  
owa a noch Singa und Tonz'n,  
sogor noch Blosmusi schmeckt's –  
beim Bloat'n und om letz'n We.

Zur Mundort passt de Natur,  
da Reg'n de Sunn' und da Schnee.  
Sie greift si on wia Erd'n und Gros,  
wia da Woaz, wia d'Erpföln und d'Weeba.

De Mundort, des is Dahoam,  
mit Wirm' und an wohlig'n G'föh.  
Sie passt zu Freedschoft und Liab',  
zum Kinakriag'n und a zum Sterb'm.

A mi'n Herrgott votrogt si de Mundort,  
mit Kircha und Sunnto und Bet'n.  
Vom Weihwossa ko's da dazöh'n,  
vo Weihnocht'n, Ostan und Pfingst'n.

Owa wonn i om Nodenga bi:  
„Wo kimm i her? Wo geh' i hi?  
Wer bi i? Und wer kunnt' i see?“  
Donn passt d'Mundort nimma,  
owa – leicht' ma ee – a koa onare Sproch'.

*November 2023*